

# **Universitätsbibliothek Paderborn**

## **Ars Semper Gavdendi**

Demonstrata Ex Sola Consideratione Divinae Providentiae Et Per  
Adventvales Conciones

Laetitiae Perfectae Artificivm In Conscientiae Recta Efformatione  
inuentum, & per Adventvales Conciones expositum ac demonstratum

**Sarasa, Alfonsus Antonius de**

**Antverpiae, 1667**

§. III. Cùm dubio speculatiuo agere non licet, donec Conscientia judicium  
certum, licitè rem agi posse, efformarit. Hoc autem judicare non potest,  
nisi priùs speculatium dubium deponere studuerit.

**urn:nbn:de:hbz:466:1-11367**

& certò statuit nullam actioni suæ peruersitatem interuenire , ac proinde licetè posse exhiberi. Si enim quoties ejusmodi dubia intercurrunt ( quæ nulli rationi nixa cùm sint , à scrupulis non multèm differunt ) ab actione foret abstinentum ; infinitis sanè perplexitatibus & angoribus præpediti forent , multorum ad vir tutem seriò connitentium animi ; quibus omnia quæ agunt , videtur dubia ; & si rationem dubii exigantur , nihil habent quod reponant , nisi quòd dubitent , atque quòd ita ipsis esse videatur. Tale verò dubium vti ex nullâ ratione exoritur , ita etiam nullâ ratione est æstimandum , aut censendum ullam obligacionem legis inducere , cuius nulla , in mente , legitima sunt vestigia. Sic si dubito an modò licitum sit exire domo , an ves-ci cibo qui mensæ apponitur , neque alia suppetat ratio quæ rem mihi faciat esse ambiguam ; tum sanè negatiuè dubitare censem ; & ob hoc dubium , ab actione dubitatâ minimè est abstinentum.

## §. III.

*Cum dubio speculatio agere non licet , donec Conscientia iudicium certum , licetè rem agi posse , efformarit. Hoc autem judicare non potest , nisi prius speculatum dubium deponere studuerit.*

19. **E**a quæ diximus plana sunt. Istud est difficilius , an quoties dubium aliquod speculatum incidit , illicè in praxi actionem meam illi conformare debeam , & quidem tutiorem semper partem eligere. Et vt exemplis clarior fiat res : dubium mihi incidit , an in ære alieno sim. Tutiū videtur esse solutionem præstare , & æs dubium sic expungere ; an idcirco istud creditori dubio obligor exhibere ? Dubito an votum aliquod emiserim ; dubito an peccatum quoddam , quod olim commissum mihi nunc occurrit , ritè fuerim confessus ; dubito an hodie jejunandum sit , & multa his similia ingerere sese possunt menti dubia. Sanè tutissimum videtur esse primo obtutu insipienti rem , explorare vota etiam dubia , peccatum dubium confiteri , jejunare , aliaque præstare de quorum obligatione dubitas. Ita sit. Verum istud

A a 2 .

quæritur

quæritur, an illicè formandum mihi sit Conscientiæ dictamen, illa omnia præstanda esse, actionemque illam mihi met debeam imperare? Profectò si hoc ita est, intolerabile omnino habent onus ii, qui à minimâ peccati specie dum abhorrent, dubiis implicantur propemodum infinitis.

*In dubio  
speculatius  
formandum  
est Consci-  
entia dictamen.*

Fateor ita esset, si hoc dubitantibus onus incumberet. At si rectè animum aduertistis, non id dixi §. præcedenti, agenda esse omnia, quæ dubia mens agenda suspicatur aut dubitat: istud tantum dixi, ab actione omni abstinentium, de quâ dubitat an sit illicita, donec & quoisque dubitat: supersedendum itaque actioni esse, donec statuerit, actionem hanc licetè à se exhiberi. Si ergo dictamen istud certum possit elicere, etiamsi probabilitas ratione nitatur; tum verò æquè tutum est, debitum dubium non soluere, quæm præstare; voto dubio supersedere, quæm istud adimplere; atque idem esto de cæteris dubiis judicium. Itaque ut tutò agere possit dubius, Conscientiæ dictamen efformandum est necessariò, quo certò statuat, actionem quam aggre- ditur, bonam esse & licitam. Atque hoc vocant Theologi, in re dubiâ formare Conscientiam. At quâ ratione id à me præstabitur inquires? quo pacto id à me impetravero, vt statuam quid à me fieri debeat, cum planè dubitem ad quid obliger? Sanè id sèpissimè nón est admodùm difficile.

*At quomo-  
do?*

*Deponen-  
dum est si  
fieri potest  
dubium  
speculati-  
uum.*

Ac primò quidem istud agendum est pro viribus, vt dubium speculatum, è quo dubium practicum siue actionis ponendæ incertitudo trahebat originem, superetur & elidatur: atque illicè cessabit dubii practici anxietas. Itaque si dubitas an licetè vescturus sis hodie carnis, sanè iis vescti nefas est, donec de legis obligatione dubitatur. Itaque dubium hoc euince; euinces autem si operam adhibeas, & inquiras an dies fastus sit an nefastus. De aliis quæ occurunt negotiis, contractibus puta, possessionis aditione, mercium justâ aut iniustâ distractione, si mens hæreat, neque tuo studio dubium possis, ne probabili quidem ratione enodare; viros consule probos, prudentes, & de quorum scientiâ non dubitas; detergent ii dubium omne. Nam si vel probabili ratione asserant licitam esse rem aut illicitam, illicè fundamentum habes sufficiens, cui nixus dubium deponas; & ex probabili vt minimum ratione, certum possis de actione à te præstandâ ferre judicium; hoc est, certum Conscientiæ dictamen effor-

20.

21.

efformare. Et hoc quidem, præstari dum potest, certissimum est  
Conscientiæ dubitantis leuamentum.

22. Verūm, quid si solus sim? quid si in eo loco constitutus, vbi  
nec libri ad manum sint, nec viri experti rerum quos consulam?<sup>Sed quid  
si non pos-  
sit istud</sup>  
aut quid si dubium sit tam pertinax, vt nec meo nec alieno stu-<sup>dubium</sup>  
dio, quantumcumque adhibeat, possit superari? quo seſe  
tum vertet Conscientia? Sanè speculatiuum dubium ei inhæret  
præfractè, nec ab eo se potest expedire. Foris quis est, aut in mari  
procul ab hominum confortio positus, neque horas per noctem  
audit, neque scit an dies sit jejunii. An illi semper à carnibus est  
abstinendum, quoties an jejunandum sit dubitat? Sanè jejunan-  
dum sic esset non paucis anno toto. Dubitat quis an sit in debitis,  
& quidquid inquirit, manet dubium. Dubitat an justa sit bono-  
rum quā gaudet possessio, neque titulorum inuestigatione quid-  
quam proficit. Matrimonium fit dubium, quod tama quædam  
obscura è remotissimis regionibus aduolarit, maritum primum  
viuere. Dubia fit peccati commissi Confessio, & quidquid cogi-  
tat, quidquid discutit, manet dubius. Dubitat quis denique an  
votum Castitatis emiserit; hoc autem dubium, cuius judicio  
quæso deponet? non suo; nam nihil occurrit quo factum quid  
sit, plane decernat: non alieno; quis enim nisi conjecturâ  
merâ assequetur quid ab illo olim factum sit, quem ne de facie  
quidem nouerat? & quid si nouisset, an vel probabili ratione  
potest quis conjicere, quid quis aliquando mente designarit? Sanè  
insuperabilia sic sunt dubia infinita, quæ nullo studio, nullâ arte  
possint flecti. Antum etiam ad tutiora recurrendum est consilia,  
& restitutio certa facienda illicè pro incerto debito; præstanta  
vota; deserenda possessio; vt certum à Conscientiâ, de actionis  
fusæ bonitate, judicium efformetur? Hoc nunc agendum est &  
enodandum.

